

繪圖

儒林外史

上

考證

儒林外史一書，寫怒罵於嬉笑，雕鐫物情，而禹鼎溫犀，莫匿豪髮。沈文肅公督兩江時，公餘喜繙閱之。第其書波瀾點綴，撫取他籍者爲多。幽閒鼓吹云：張祐下第後，多游江淮，每於酒後，自稱豪俠。一夕，有人裝飾甚武，手劍腰囊，流血於外，入曰：「此非張俠士居耶？」張揖客甚謹，對坐。客曰：「有一讎人，十年莫得，今夜獲之，喜不可已。」指其囊曰：「此其首也。」問張曰：「有酒否？」張飲之。客曰：「此去三數里，有一義士，余欲報之，則平生恩怨畢矣。」聞公義氣，願假十萬緡，張傾囊燭下，等其寐。素中之品物，量而與之。客曰：「快哉！無所恨也。」乃留囊首而去。期以却回，東曦既駕，杳無蹤跡。開囊乃豕首也。（夫忙案又見桂苑叢談）書中張鐵臂虛設人頭宴，卽本其事以衍之。堅瓠集載明嘉靖中，長興徐子與中行，好客尤好少年美麗者。一客醜甚，自負能詩，介蔡子木汝椿薦之於子與。子木作書，咸言客可喜狀，以家人將之。恐客之窺書而易求也。子與得書大喜，亟延入。既見，愕然笑啞啞不止，贈以詩，有「自信金聲能擲地，誰知玉貌不如人」之句。書中仿支神樂觀，卽暗用其事爲關目。文海披沙載吳與弼名重一時，朝廷聘之闕下，面詢時政所宜，與弼嚙不能對一語。但曰：「容臣上疏而已。」出朝脫帽，則有雙蝎螫其頂間，不能對以忍痛也。書中敘莊徵君奏對情事，直明撫其事跡矣。他如楊執中詩，不敢妄爲些子事，只因會讀數行書，嚴霜烈日俱經過，取次春風到草蘆，乃元呂微之七律下四句也。又趙醫士與邑令同誕一番，議論與耳新所載朱倩玉國球毛詩玉山所生年月日時皆同。李中戊辰進士授庶吉士，尋卒於官。毛僅食餼多子而壽，小異大同，如此類者，不可枚舉。（一葉軒漫筆）

儒林外史之權勿用，卽是鏡也。鏡行多矯僞，動稱禮法，儼然以道學自居。時人亦竟有稱許之者。一日晨出，遇一小間，四望無人，遂越而過。忽遠處一村童見之，大呼曰：「是先生跳澗矣。」是聞之，卽出泉十餘文與童曰：「昇汝啖餅，慎勿以此告人。」又匡超人或云實暗指汪容甫先生相傳先生性極乖僻，嘗外出，旋折回入夫人室，夫人適背戶坐。先生潛自後抱之，夫人驚呼曰：「誰相戲者？」先生立釋手，問曰：「豈尙有人也？」敢乃爾耶？遂出之。後作擬劉孝標論，乃有蹀躞東西終成

溝水語實則夫人之出固由先生之疑誤也。按此二說皆常州人語不知確否（缺名筆記）

長篇小說中有以俗話爲白話者有以官話爲白話者有白話而雜以文言者有白話而雜以俗話者其完全白話之小說予生平實未之見其俗話官話文言較少者似不得不推儒林外史爲首屈一指是爲白話之正宗蓋行之全國傳之後世無有人病其費解者也（同上）

儒林外史原不著作者姓名一說謂係全椒吳敏軒徵君敬梓所著杜少卿即徵君自說散財移居辭薦建祠皆實事也。慎卿乃其從兄青然。檠虞博士乃江寧府教授吳蒙泉莊尚志乃上元程綿莊馬二先生乃金椒馮粹中遲衡山乃句容樊南仲武書乃上元程文其他二婁爲浙江梁家牛布衣爲朱草衣權勿用爲是鏡鳳鳴岐爲甘鳳池湯奏爲楊凱蕭雲仙姓江趙雪齋姓宋隋岑菴姓楊楊執中姓湯匡超人姓汪嚴貢生姓莊高翰林姓郭余先生姓金萬青雲姓方范進姓陶荀玫姓荀韋思元姓韓沈瓊枝即隨園所稱揚州女子或象形諧聲或瘦詞隱語若以雍乾間諸家文集紬繹而參稽之則十得八九矣徵君著有文木山房詩文集及詩說均未付梓是書爲金棕亭官揚州教授時所刊

（松風閣筆乘）

是書爲全椒吳敏軒先生所著先生名敬梓晚自號文木老人少負俊才不可一世性尤伉爽踵告者知與不知皆盡爲之助故二十年而家財罄矣清雍正乙卯舉博學鴻詞科當事者以先生及其從兄青然先生應之兩先生均堅臥不起先生客金陵愛其山水遂家焉四方文酒之士推先生爲盟主鳩同志葺先賢祠於雨花山麓祀泰伯以下凡二百數十人工鉅售所居屋以成之而家道由是益窘至冬不能具爨炭姻戚故舊官中外者以千百計卒不一往惟閉門課子賣文爲活卒葬金陵鳳臺門之花田然先生素以此舉自豪故書中視祀泰伯祠爲最緊要事卒後遺一子名煥字荀叔號樵亭以進士官中書精天文算術音韻之學阮文達公疇人傳雲間沈學子學福齊集及吾邑王述菴蒲褐山房詩話均述及之先生著書皆奇數是書原本亦祇五十五卷於琴棋書畫四士既畢即接以園春一詞以爲結束不知何時爲詹父妄增幽榜一卷其詔表皆割先生文集中駢語贅積而成狗尾續貂不值識者一哂（小說叢

桂花叢談護軍李金皋過道人通爐火事。求一鐵鼎。容五六升以上者。黃金二十餘兩爲母。日給水銀藥物。火候既滿。開視。黃金爛然。李信之三日之內。添換有微。一日。道人不來。啓藥爐視之。不見金矣。胡公子所遇假神仙事。蓋出此。第三十三回杜少卿夫婦遊姚園。卽指袁簡齋之隨園。園不甚大。而此稱極大者。以隨園詩話中曾自夸其大。故亦大之。高青邱指戴名世以其文字取禍。與青邱相似故也。遲衡山指樊明徵。句容人。見江寧府志文苑傳。莊徵君姪濯。江疑卽指程魚門。同上。

第十二回調侃權勿用。謂肚裏沒有通過。此係是鏡實情。按阮葵生茶餘客話云。江陰是鏡。詭詐誕人也。胸無點墨。好自矜飾。居之不疑。海寧陳相國爲其所惑。高東軒相國亦信之。尹健餘侍郎督學江左。因二公之言。造廬請謁。結布衣交。鏡遂闢書院。招生徒。與當時守令相往還。冠蓋絡繹。常州守黃靜山永年亦與過從。其後因屬託公事。不復往還。因於書院俱陳高尹黃四木主。俗所謂長生祿位也。第十三回謂勿用誘拐尼姑獲案。亦有來歷。董潮東臬雜鈔云。澄江是鏡。字仲明。託名講學。一時大老交章薦之後。爲胞弟告發三十餘款。常郡宋楚望深惡之。毀其廬。造書院。則此三十餘款中。安知不有奸拐案哉。是書於清光緒初年。有著稱天目山樵者。嘗加評而考實之。太忙案。此卽吾邑張嘯山先生文虎所撰。天目山樵其別號也。同上。

予閱江陰張敬立所撰是仲明年譜。元和柳商賢序云。自此各日威。忌者亦日益甚。邑令聖寶以無行不見答於先生。令恨之。先是季弟鏊嗜博。與伯兄戒之不悛。先生跪密室中自責。至是令誘之列款。誣先生守令至山。移所著書去。卒無以罪先生。後郡守宋公楚望命捐書院。移建郡城爲龍城書院。有述令謗書於先生者。先生怡然曰。誠然。當自反。事白。重建書院。講學如初。未識此說果確否。太忙。

民國二十三年三月南匯朱太忙輯錄於大達圖書供應社編輯室

跋

是書爲全椒吳敏軒先生所著。先生名敬梓，晚自號文木老人。吳固全椒望族，先生尤負雋才，年又少，不可一世。伉爽急施，與以芒屨之辭，踵告者，知與不知，皆盡力之資，不二十年而贏金盡矣。雍正乙卯舉鴻詞科，當事以先生及從兄青然先生（名槩）應堅臥不赴。客金陵，爲山水所痼，遂移家焉。四方文酒之士，推先生爲盟主。鳩同志築先賢祠於雨花山麓，祀泰伯以下凡二百三十人，工鉅，售所居屋以成之。晚歲益窘，冬至不能具爨炭，姻戚故舊官中外者千百計，卒不一往，惟閉戶課子。（子名煥，字荀叔，以進士官中書，精天文、算術、音韻之學，著書甚富。）賣文爲活，卒葬金陵鳳臺門花田，著有詩說七卷。（是書載有溱洧篇數語，他而南有喬木爲祀，漢江神女之詩，凱風爲七子之母，不能食貧居賤，爰采唐矣，爲戴嬌答莊姜，燕燕于飛而作，皆前賢所未發。）文木山房文集五卷，詩七卷，是書則先生嬉笑怒罵之書也。書中杜少卿乃先生自况，杜慎鄉爲青然先生，其生平至敬服者。惟江寧府學教授吳蒙泉，故書中表爲上上人物，其次則上元程綿莊，全椒馮萃中，句容樊南仲，上元程文，皆至交，書中之莊徵君者，程綿莊，馬純上者，馮萃中，遲衡山者，樊南仲，武書卿，程文也。他如平少保之爲年羹堯，鳳四老爺之爲甘鳳池，牛布衣之爲朱草衣，權勿用之爲是鏡，蕭雲仙之姓江，趙醫之姓宋，隴岑庵之姓楊，楊執中之姓湯，湯鎮臺之姓楊，匡超人之姓汪，荀玫之姓荀，嚴貢生之姓莊，高翰林之姓郭，余先生之姓金，萬中書之姓方，范進士之姓陶，婁公子之爲浙江梁，或曰桐城張，韋四老爺之姓韓，沈瓊枝即隨園所稱揚州女子，高青邱即戴名世詩案中事，或象形諧聲，或廋詞隱語，若以雍乾間諸家文集細繹而參稽之，往往十得八九。先生詩文集及詩說俱未付梓。（余家舊藏鈔本，亂後遺失。）是書爲全椒金棕亭先生官揚州府教授時梓行，自民刻本非一，先生著書皆奇數，是書本五十五卷，於琴棋書畫四士既畢，即接沁園春一詞，何時何人妄增幽榜一卷，其詔表皆割先生文集中駢語，鑿積而成，陋劣可哂，宜刪之以復其舊。

杜薛慰農觀察知先生於余爲外家，垂詢及之，敢以所聞於母氏者（余母我青然先生女孫）略陳顛末如此。同治

八年冬十月上元金和識

繪圖儒林外史

跋

吳敬梓傳

先生姓吳氏諱敬梓字敏軒一字文木全椒人。世望族科第仕宦多顯者。先生生而穎異讀書才過目輒能背誦稍長補學官弟子員襲父祖業有二萬餘金素不習治生性復豪上遇貧卽施偕文士輩往還傾酒歌呼窮日夜不數年而產盡矣。安徽巡撫趙公國麟聞其名招之試才之以博學鴻詞薦竟不赴廷試亦自此不應鄉舉而家益以貧乃移居江城東之大中橋環堵蕭然擁故書數十冊日夕自娛窮極則以書易米或終日苦寒無酒食邀同好汪京門樊聖謨輩五六人乘月出城南門繞城堞行數十里歌吟嘯呼相與應和逮明入水西門各大笑散去夜夜如是謂之暖足余族伯祖麗山先生與有姻連時周之方秋霖潦三四日族祖告諸子曰比日城中米奇貴不知敏軒作何狀可持米三斗錢二千往視之至則不食二日矣然先生得錢則飲酒歌嘯未嘗爲來日計其學尤精文選詩賦援筆立成夙構者莫之爲勝辛酉壬戌間延至余家與研詩賦相贈答愜意無間而性不耐久客不數月別去生平見才士汲引如不及獨嫉時文士如讎其尤工者則尤嫉之余恆似爲過然莫之能禁緣此所遇益窮與余族祖綿莊爲至契綿莊好治經先生晚年亦好治經曰此人生立命處也歲甲戌與余遇於揚州知余益貧執余手以泣曰子亦到我地位此境不易處也奈何余返淮將解纜先生登船言別指新月謂余曰與子別後會不可期卽景恨恨欲構句相贈而澀於思當俟異日耳時十月七日也又七日而先生死矣先數日哀囊中餘錢召友朋酣飲醉輒誦樊川人生祇合揚州死之句而竟如所言異哉先是先生子煨已官內閣中書舍人其同年王又曾轍原適客揚告轉運使盧公殮而歸其殯於江寧蓋享年五十有四所著有文木山房集詩說若干卷又倣唐人小說爲儒林外史五十卷窮極文士情態人爭傳寫之子三人長卽煨也今官寧武府同知

論曰余生平交友莫貧於敏軒抵淮訪余檢其囊筆硯都無余曰此吾輩所倚以生可暫離耶敏軒笑曰吾胸中自有筆墨不煩是也其流風餘韻足以掩映一時望其躬傳其學天之於敏軒倘意別有在未可以流俗好尙測之也

學士周進



崔按察

魯編修



蕙王

仁守王



向鼎

李本瑛



婁通政

遠太守



嚴致和

陳和甫



洪憇仙

馬二先生



楊執忠

權潛齋



景蕭江

匡超人



趙厚齋

支劍峯



隨岑菴

衛體善



浦墨卿

金東崔



鮑廷璽

崔太監



諸葛天申

蕭鈞



張鍊臂

杜慎卿



李逸恬

季葦蕭



臧夢齋

遲衡山



婁瑟亭

婁玉亭



韋闡思

杜少卿



蘧公孫

牛布衣



高翰林

徐穆軒



莊紹光

馬純上

盧德

莊尚志



蕭伯泉

余和聲

郭孝子

王玉輝



蕭昊軒

蕭雲仙



鳳鳴岐

萬中書



湯鎮台

平治



鄧質夫

冀育德



繪圖儒林外史目次

卷上

第一回	說楔子數陳大義	借名流隱括全文	一
第二回	王孝廉村學識同科	周蒙師暮年登上第	八
第三回	周學道校士拔真才	胡屠戶行凶鬧捷報	一四
第四回	薦亡齋和尚吃官司	打秋風鄉紳遭橫事	二二
第五回	王秀才議立偏房	嚴監生疾終正寢	二八
第六回	鄉紳發病鬧船家	寡婦含冤控大伯	三四
第七回	范學道視學報師恩	王員外立朝敦友誼	四一
第八回	王觀察窮途逢世好	婁公子故里遇貧交	四七
第九回	婁公子捐金贖朋友	劉守備冒姓打船家	五三
第十回	魯翰林憐才擇壻	蘧公孫富室招親	五九
第十一回	魯小姐制義難新郎	揚司訓相府薦賢士	六五
第十二回	名士大宴鶯脰湖	俠客虛設人頭會	七一
第十三回	蘧駪夫求賢問業	馬純上仗義疎財	七七
第十四回	蘧公孫書坊送良友	馬秀才山洞遇神仙	八四
第十五回	葬神仙馬秀才送喪	思父母匡童生盡孝	八九
第十六回	大柳莊孝子事親	樂清縣賢宰愛士	九五

第十七回	匡秀才重遊舊地	趙醫生高踞詩壇	一〇一
第十八回	約詩會名士攜匡二	訪朋友書店會潘三	一〇七
第十九回	匡超人幸得良朋	潘自業橫遭禍事	一一三
第二十回	匡超人高興長安道	牛布衣客死蕪湖關	一一九
第二十一回	冒姓氏小子求名	念親戚老夫臥病	一二四
第二十二回	認祖孫玉圃聯宗	愛交遊雪齋留客	一三〇
第二十三回	發陰私詩人被打	嘆老景寡婦尋夫	一三六
第二十四回	牛浦郎牽連多訟事	鮑文卿整理舊生涯	一四三
第二十五回	鮑文卿南京遇舊	鮑廷璽安慶招親	一四九
第二十六回	向觀察陞官哭友	鮑廷璽喪父娶妻	一五五
第二十七回	王太太夫妻反目	鮑廷璽兄弟相逢	一六〇
第二十八回	季葦蕭揚州入贅	蕭金鉉曰下選書	一六六

卷下

第二十九回	諸葛祐僧寮遇友	杜慎卿江郡納姬	一
第三十回	愛少俊訪友神樂觀	逞風流高會莫愁湖	六
第三十一回	天長縣同訪豪傑	賜書樓大醉高朋	一二
第三十二回	杜少卿平居豪舉	宴煥文臨去遺言	一九
第三十三回	杜少卿夫婦遊山	遲衡山朋友議禮	二五